

O‘ZBEKISTON RESPUBLIKASI
OLIY VA O‘RTA MAXSUS TA’LIM VAZIRLIGI
O‘ZBEKISTON RESPUBLIKASI MADANIYAT VAZIRLIGI
O‘ZBEKISTON DAVLAT KONSERVATORIYASI

MUNOJATXON YO‘LCHIYEVA

AN’ANAVIY YAKKA XONANDALIK

Ta’lim yo‘nalishi: 5150602 – Vokal san’ati: an’anaviy xonandalik

*Oliy ta’lim muassasalari uchun
o‘quv qo‘llanma*

«Musiqqa» nashriyoti
Toshkent
2018

KBK 85.314(50‘)

Y 85

Yo‘lchiyeva, Munojatxon.

An‘anaviy yakka xonandalik. Oliy ta‘lim muassasalari uchun o‘quv qo‘llanma. – T., «Musiq» nashriyoti, 2018. – 74 b.

Ushbu o‘quv qo‘llanma O‘zbekiston Respublikasi Oliy va o‘rta maxsus ta‘lim vazirligining 201- yil 28-iyundagi 434-sonli buyrug‘iga asosan nashrga tavsiya etilgan.

Taqrizchilar:

Mahmudjon TOJIBOYEV – An‘anaviy xonandalik kafedrası dotsenti,
O‘zbekiston Respublikasi xalq hofizi

Beknazar DO‘STMURODOV – O‘zbekiston davlat San‘at va madaniyat instituti
“Milliy qo‘shiqchilik” kafedrası mudiri, dotsent,
O‘zbekiston Respublikasi xalq hofizi

Oliy musiqa ta‘limi muassasalari talabalari uchun mo‘ljallangan ushbu o‘quv qo‘llanmada An‘anaviy yakka xonandalik san‘atining mazmuni, tarixi va ijrochilik uslublari tizimli tahlil qilib berilgan.

В данном учебном пособие анализирован вопросы традиционное пения и предназначено для студентов высших музыкальных учебных заведениях.

This manual is intended for students of traditional performers department of High Educational Institutes. In this manual you can find history and analyses of performing style.

KBK 85.314(50‘)
UO‘K 784.1

ISBN 978-9943-5090-3-0

© “Musiq» nashriyoti, 2018.
© M.Yo‘lchiyeva, 2018.

KIRISH

“An’anaviy yakka xonandalik” fani. O‘zbekiston oliy musiqa ta’limida professional kadrlar tayyorlash jarayonida yangi avlod o‘quv adabiyotlari bilan ta’minlab borishga alohida e’tibor berilmoqda. Bu borada “O‘zbekiston Respublikasini 2017–2021-yillarda rivojlantirishning beshta ustuvor yo‘nalishi bo‘yicha Harakatlar strategiyasi”da musiqa san’atini yanada rivojlantirishga oid yangi vazifalar qo‘yilgan. Shuningdek, O‘zbekiston Respublikasi Prezidentining 2017-yil 15-fevraldagi PF-4956-sonli “Madaniyat va sport sohasida boshqaruv tizimini yanada takomillashtirish chora-tadbirlari to‘g‘risida”gi Farmonida “musiqa ... san’atini tubdan rivojlantirish” vazifasi belgilangan. O‘zbekiston Respublikasi Kadrlar tayyorlash milliy Dasturi va davlat ta’lim standartlarida kasbiy yetuk, axloqiy barkamol va ijtimoiy faol kadrlarni voyaga yetkazish vazifasi qo‘yilgan. Buning uchun zamonaviy yangi avlod o‘quv adabiyotlarini yaratib borish taqozo etiladi. “An’anaviy xonandalik” namunaviy o‘quv dasturi va davlat ta’lim standartlariga muvofiq tayyorlangan ushbu “An’anaviy yakka xonandalik” o‘quv qo‘llanmasi ana shu ehtiyojlarning hosilasi sifatida yuzaga keldi. O‘quv qo‘llanma “An’anaviy yakka xonandalik” kursining ishchi o‘quv dasturi asosida tuzildi va unda bu boradagi ilmiy-amaliy tajribalar umumlashtirildi. **“An’anaviy yakka xonandalik” fani** “An’anaviy xonandalik” umumiy fanining tarkibidagi ixtisoslik fani bo‘lib, uning Ishchi o‘quv dasturi “An’anaviy xonandalik” fanining namunaviy dasturi asosida shakllantirilgan.

Fanning maqsadi. “An’anaviy yakka xonandalik” fani bo‘lajak oliy ma’lumotli yakka xonandalarga kuylash asoslari, yakkaxonlik ijro uslublari va yakka xonandalik ijodiy maktablari bo‘yicha chuqur bilim berish hamda ularning ijrochilik mahoratlarini shakllantirishdan iborat.

Fanning vazifalari. “An’anaviy yakka xonandalik” fanining asosiy vazifalari quyidagilardan iborat:

- bo‘lajak oliy ma’lumotli yakkaxon xonanda – mutaxassislarga kuylash asoslari bo‘yicha chuqur nazariy bilim berish;
- bo‘lajak mutaxassislarni yakkaxon xonandalik ijro uslublari va an’anaviy ijodiy maktablari bilan tanishtirish;
- bo‘lajak yakkaxon xonandalarning yakkaxon ijrochilik san’ati tarixi, zamonaviy yo‘nalishlari va istiqbolli asoslari bo‘yicha bilimini oshirish;
- bo‘lajak mutaxassislarning ijod qilish, ashulalarni tanlash va o‘zlashtirish, kompozitor va bastakorlar bilan ishlash, sozandalar bilan hamkorlik qilish mahoratini shakllantirish;
- bo‘lajak yakkaxon xonandalarning individual kuylash uslubiga ega bo‘lish va xonandalikning nazariy asoslarini chuqur o‘rgatish.

Mazkur o'quv qo'llanmani tuzishda ana shu maqsad va vazifalardan kelib chiqildi.

Fan bo'yicha qo'yiladigan talablar. "An'anaviy yakka xonandalik" fani bo'lajak yakkaxon xonanda – mutaxassislariga davlat ta'lim standartlari va fanning xususiyatlaridan kelib chiqib quyidagi talablarni qo'yadi:

- an'anaviy yakka xonandalik asoslari bo'yicha nazariy bilimlarni egallash;
- an'anaviy yakka xonandalik ijro uslublari, tarixi, ijodiy maktablari, mashhur namoyandalari, zamonaviy yo'nalishlari va istiqbolli asoslarini bilish;
- o'ziga xos kuylash va ovoz ustida ishlash ko'nikmasi, malakasi va mahoratiga ega bo'lish hamda individual ijro uslubini shakllantirishga harakat qilish;
- ijro qilish, bastakor va sozandalar bilan ishlash mahoratiga ega bo'lish hamda tinglovchilar bilan yuksak madaniyatli asosda munosabatda bo'lish malakasini egallash.

Ushbu o'quv qo'llanmada ana shu talablar hisobga olindi.

O'quv qo'llanmaning tuzilishi. Mazkur "An'anaviy yakka xonandalik" o'quv qo'llanmasining tuzilishi asosiy mavzular, ularning rejasi, matni, mustahkamlash uchun savollar va topshiriqlar, mavzular bo'yicha tegishli adabiyotlar, mustaqil ishlash uchun savollar va topshiriqlar, testlar, o'zlashtirish va ijro mahoratini oshirish uchun mo'ljallangan namunaviy ashulalar va ularning natijasi hamda tavsiya etilgan adabiyotlar ro'yxatidan iborat.

O'quv qo'llanma mavzular tahlili, har bir mavzu bo'yicha mustahkamlash uchun savollar va topshiriqlar, mustaqil ishlash uchun tavsiyalar, foydalanilgan adabiyotlar va ilova tuzilishidan iborat. Unda quyidagi masalalar tahliliga asosiy e'tibor qaratiladi:

- "an'anaviy yakka xonandalik" tushunchasining xususiyatlari va obyekti;
- an'anaviy yakka xonandalik ijrochiligining tarixiy takomili;
- an'anaviy yakka xonandalik uslubi;
- nazariy va amaliy tavsiyalar.

O'quv qo'llanmadan nazariy va amaliy mashg'ulotlar jarayonida, shuningdek mustaqil ishlash va jo'rnavoz bilan individual dars jarayonida foydalanish tavsiya etiladi.

O'quv qo'llanmaga doir fikr-mulohazalaringizni kutib qolamiz.

1. An'anaviy yakka xonandalik xususiyatlari

Kalit so'zlar: an'anaviy, yakka, xonandalik, ta'rif, manba, xususiyat, umumiy, asar, ilmiy, amaliy, ijro, uslub.

O'zbekiston musiqa san'atida an'anaviy yakka xonandalik eng muhim yo'nalishlardan biri hisoblanadi. Mutaxassislar xulosaga kelishganidek, jahon xalqlari qatorida o'zbek xalqi musiqa san'ati ham yakka ovoz (monodiya) hodisasidan kelib chiqqan [1,10-b.].¹Unga ko'ra, qadim zamonda inson o'z tovushini anglagach, o'zicha xirgoyi qilgan, asta-sekin bu xirgoyi sayqallanib ovoz tusini olgan va natijada bir shaxsning o'z his-tuyg'ularini kuylash paydo bo'lgan. Buning takomili natijasida **Yakka xonandalik** (yakka ovozda kuylash) tarkib topgan va takomillashuv davomida **an'anaviylik** (tajribani ikkinchi kishiga uzatish) tusini olgan. Shu tariqa musiqa san'atimizda o'ziga xos yo'nalish yakka xonandalik san'ati tabiiy-tadrijiy ravishda kelib chiqqan [5,61-b.]. Bu o'rinda mazkur san'atning asosiy tushunchalari mazmunini anglab olish kerak bo'ladi.

"An'anaviy yakka xonandalik san'ati" tushunchasining *an'anaviy* iborasi "bir tomondan meros qoldirish va ijtimoiy vorislikni, ikkinchi tomondan esa yangilanish va navqironlikni" anglatadi [9,17-b.]. Buning ma'nosi shuki, yakka xonandalik san'atida tajribali san'atkor (kuylovchi) o'zining ijro mahorati sirlarini yosh iste'dodli shaxsga uzatadi, bu yosh iste'dod yakka xonandalik asoslariga vorislikni qabul qiladi va ayni paytda, har bir yakka xonanda bu san'atning zamon va makon talablariga mos ravishda rivojlanib borishini ta'minlaydi, bu an'anaviylikning navqironligidir (hamisha amalda bo'lishidir). Shu tariqa yakka xonandalik san'atida davomiylik ta'minlanadi. Demak, yakka xonandalik san'atida an'anaviylik bu:

- yakka ovozda kuylash asoslarini ajdodlardan avlodlarga uzatib borish;
- sohada vorislikni ta'minlash;
- bu san'at turini zamon talablariga mos ravishda rivojlantirib borishdir.

Yakka xonandalik – kuylash san'atining negizi bo'lib, unda muayyan ashula (qo'shiq) bir shaxs tomonidan yakka ovozda ijro etiladi. Musiqa san'atiga oid adabiyotlarda yakka xonandalikning bir necha xususiyatlari tahlil qilib o'tilgan [4;5;11-b.]. Ular tahlil qilinganida asosiy xususiyatlar ko'zga tashlanadi. Unga ko'ra, yakka xonanda bo'lish uchun:

- talab darajasida ovoz diapazoniga ega bo'lishi;
- musiqiy eshituv va kuylash layoqatining mavjud bo'lishi;
- muayyan ko'nikma va malakani egallashi kerak.

Aslida har bir shaxsda bu xususiyatlar mavjud bo'ladi, yakka xonanda bo'lish uchun esa mazkur xususiyatlarni yoshlikdan tarbiyalash taqozo etiladi. Yakka xonanda uchun eng asosiy masala ovozdir, bunday ovoz "odamning ovoz a'zolari yordamida musiqali tovushlarni hosil qilish qobiliyati" deb ataladi [9, 287-b.]. Yakka xonandaning ovozi o'zga odamlar ovozidan aynan musiqali tovush ekanligi bilan farqlanadi.

¹ Eslatma: Ishoralar "Foydalanilgan adabiyotlar" ro'yxati bo'yicha beriladi.

Ilmiy xulosalarga ko'ra, insonning ovozi 12–13 yoshdan boshlab to'liq hajmga (1,5 oktavaga) erishadi [5, 14-b.]. Mana shu davrdan boshlab bo'lajak yakka xonanda ovozi professional asosda tarbiyalanib va rivojlantirilib boriladi. Shu jihatdan respublikamizda bolalar musiqa va san'at maktablarining o'qituvchilari, mutaxassisleri hamda jo'navozlari bo'lajak yakka xonandalarning ovozi tarbiyasiga ilmiy-professional asosida yondashishi taqozo etiladi.

Professional yakka xonanda bo'lish uchun quyidagi xususiyatlarga ega bo'lgan ovoz sohibi bo'lish kerak:

- 1) ovozning jarangdor, shirador va uzoq sadolanishga ega bo'lishi;
- 2) ovoz diapazoni 2 oktava bo'lishi va sadosining ravon hamda tekis chiqishi;
- 3) xonandaning o'z ovozini kuylash jarayonida boshqara olishi.

Bunday ko'nikma va malakaga erishish uchun har bir shaxsda imkoniyat mavjud bo'ladi. Bu imkoniyatni ro'yobga chiqarish professional musiqa ta'limi jarayonida kechadi.

An'anaviy yakka xonandalikning san'atligi shundaki, unda muayyan she'riy matn ashula (qo'shiq) shaklida musiqa vositasida tinglovchiga yetkaziladi. Tinglovchi xonandaning kuylashidan ruhiy-ma'naviy zavq oladi, muayyan fikr yoki g'oyani uqadi hamda kuylovchiga munosabat bildiradi. Aynan mana shu nuqtada an'anaviy yakka xonandalikning o'ziga xos san'at ekanligi namoyon bo'ladi.

An'anaviy yakka xonandalikning ikki turi mavjud: 1) havaskor yakka xonandalik; 2) professional yakka xonandalik. Havaskor yakka xonanda kuylashning dastlabki asoslarini o'zlashtirib, an'anaviy ashulalarni (qo'shiqlarni) ijro etish bilan cheklanadi. Professional yakka xonanda esa musiqa ta'limini olgan, yakkaxon yoki ansambl tarkibida an'anaviy ashulalarni (qo'shiqlarni) talab darajasida ijro etuvchi hamda ijod bilan shug'ullanuvchi san'atkordir. Bugungi kunda mamlakatimizda havaskor va professional yakka xonandalik uzviy rivojlanib bormoqda. Ayni paytda, professional yakka xonandalikni rivojlantirib borish taqozo etiladi. Chunki jahon xalqlarining hozirgi rivojlanib borish jarayoni har bir soha qatorida musiqa san'ati yo'nalishlarini taraqqiy ettirishda professionalizm omiliga asosiy e'tiborni qaratmoqda.

Yakka xonanda (ashula ijrochisi) uch mutaxassis bilan o'zaro aloqada ijro mahoratini hosil qiladi: 1) ta'lim jarayonida ustoz bilan; 2) ashula matni muallifi bilan; 3) bastakor (kompozitor) bilan. Bu ijodkor yakkaxon ashula ijrochilariga xos xususiyatdir va ayni paytda, ko'pchilik yakka xonandalar an'anaviy ashulalarni ijro qilish bilan cheklanishini ta'kidlash joiz. Lekin biz shaxsiy tajribamizdan kelib chiqib ijodkor yakkaxon ashula ijrochilarni yakka xonandalik san'atini rivojlantiruvchi muhim tayanch deb hisoblaymiz. Negaki, bunday toifa ijro etgan yangi va original ashulalar yillar sinovidan o'tib an'anaviy ashulalarga aylanib boradi. Shu ma'noda biz tomonimizdan Xusrav Dehlaviy (XIV asr) so'zi va Shavkat Mirzayev musiqasi bilan ijro etilgan quyidagi "Kerak yo'qdur" ashulasi bugungi kunda an'anaviy ashulaga aylanganini misol tariqasida keltirib o'tish mumkin:

Kerak yo'qdur

Sh.Mirzayev musiqasi
X.Dehlaviy g'azali

$\text{♩} = 70$

Dedim - ki: Sen-ga dil-dan bir xo-na kerak yo'q - dur? Dedim - ki: Sen-ga



dil-dan bir xo-na kerak yo'q - dur? Dedi - ki: Xazi - nam-ga


vay-ro-na kerak yo'q - dur? Dedi ki: Xazi - nam-ga vay-ro-na kerak

yo'q - dur? Dedim: So'-zing o' - tig'a jo - nim-ni yoqay yo - rim,

Dedim: So'-zing o' - tig'a jo - nim-ni yoqay yo - rim, Dedi - ki: Charo -

g'im-ga par - vo - na kerak yo'q - dur. Dedi - ki: Charo - g'im-ga





Dedimki: Senga dildan bir xona kerak yo‘qdur,
Dediki: Xazinamga vayrona kerak yo‘qdur.

Dedim: So‘zing o‘tig‘a jonimni yoqay yorim,
Dediki: Charog‘imga parvona kerak yo‘qdur.

Dedim: Ko‘zima jo qil, bir yoqda qara cho‘g‘im,
Deydi: Kiraman tanho hamxona kerak yo‘qdur.

Dedimki: Bo‘lay mahram ul majlisi hosinga,
Dediki: Bu majlisda devona kerak yo‘qdur.

Dedim: Kim erur hamdam hajringda bu Xusravga,
Dediki: Xayolimdur, begona kerak yo‘qdir.

Ashulada ma’shuqning ishq hijronlari vositada oshiqni ma’naviy-ruhiy komillashtirishi badiiy tasvirlangan va ma’shuqning xayolida vasl va’dasi mavjudligi ashula mazmunining yechimidir. Xusrav Dehlaviyning ushbu mumtoz ashulasida professional xalq musiqa og‘zaki ijodi, an’anaviy ashula ijrochilik san’ati va yakka xonandaning mahorati mezonlarini baholovchi o‘ziga xos ijro uslublari ifodalangan. Ushbu ashulaning yakkaxon ijrosida avj nuqtalarning o‘ziga xos berilishi taqozo etiladi.

Bu o‘rinda ushbu masalaga oid mahoratni oshirishga doir XX asrning mashhur shoiri Chustiy g‘azali va Sh.Mirzayev musiqasi bilan ijro etiladigan “Kim keyin, kim ilgari” ashulasi matniga e’tiboringizni tortamiz.

Kim keyin, kim ilgari

Sh.Mirzayev musiqasi
Chustiy g'azali

$\text{♩} = 77$



Bar-chamiz bu yo'l-da am - mo



kim keyin, kim il - gari, Bar-chamiz bu yo'l-da am - mo



kim keyin, kim il - gari, Bil-magan hech qay-si do-no




kim keyin, kim il - gari. Bil-magan hech




qay - si do - no kim keyin, kim il - gari.




Go - hi oy ol - din bo - tar, go - hi quyosh un-dan burun,









Barchamiz bu yo'lda, ammo kim keyin, kim ilgari,
Bilmagan hech qaysi dono kim keyin, kim ilgari.

Gohi oy oldin botar, gohi quyosh undan burun,
Bu qiziq odatli dunyo, kim keyin, kim ilgari.

Sev hayotingni, azizim, mayli unga mehr qo'y,
Lek mag'rurlanma aslo, kim keyin, kim ilgari.

Barcha ham ketmay yashashni doim aylar orzu,
Bu faqat dilda tamanno, kim keyin, kim ilgari.

Umrimiz xuddi oqar suvdek, oqib bormoqdadur,
Etgusi manzilga oshno kim keyin, kim ilgari.

Keksamu sog'mu kasalmu yoshmu, bilmas ketmog'in,
Bo'lmagan hal bu muammo kim keyin, kim ilgari.


Balki ketmasman demasdan elu-yurtni rozi qil,
Menmu yo senmu, mabodo, kim keyin, kim ilgari.


Chustiyo, paysalga solmasdan dilingni pok tut,
Bo'l mudom sofu musaffo, kim keyin, kim ilgari.



Bul ajab


Sh.Mirzayev musiqasi
A.Oripov she'ri

♩ = 60









Bul ajab xor kimsadin imdod so‘raydi xorlar,
Siz bemor ko‘ksiga bosh urmangiz ey bemorlar.

Gar falak burjida shams uyquga solsa o‘zni,
Yetdi navbat bizga deb chaqnar emish sayyorlar.

Fozilu donish eli qo‘l yuvsan bu dunyoga gar,
Vo ajab, oqqan suvin nush etar shayx xunxorlar.

Sajdaga boshing urib, faryod chekma ey rafiq.
Endi sen topgaymiding topmabdiku ag‘yorlar.

Kim berib dunyoga zar, abgor o‘lib qolgan o‘zi.
Kimki dorni buzdi gar, anga qurildi dorlar.

Kimsalar, badbin deya boqmang bukun Abdullaga
Tinglasa gohi yurib moziy elidin zorlar.

E’tibor berilsa, ijodkor yakkaxon ashula ijrochisining individual ijodkorligi uning faoliyatida nisbatan nazariy-amaliy samaradorligiga asos bo‘ladi. Keltirilgan namunaviy ashulalardan ma’lum bo‘ladiki, har bir yakkaxon ashula ijrochisi individual ijodkorlik va kuylash mahoratini egallashi uchun o‘ziga xos ashulalarni ijro qilishga asosiy e’tiborni qaratishi kerak. Buning uchun yakkaxon ijrochi ashula matni, kompozitor yoki bastakor, sozanda va soha mutaxassisi bilan hamkorlik qilishi maqsadga muvofiq. Shu sababli, bunday san’atkorlar hamisha tinglovchi va uning bahosini his qilib turadi. Tinglovchining yakka xonandaga bo‘lgan bahosi bu ayni paytda, uning ustoz, bastakori va sozandalariga bo‘lgan munosabatni ham ifodalaydi. Bizning tajribamizda mazkur sinovlar o‘tganligi, ulardagi muammolarni o‘z vaqtida bartaraf etganligimiz hamda ustoz san’atkorlar yordamida maqbul faoliyatga intilganimizni ta’kidlab o‘tish joiz.

Yakka xonandalikda umumiy ijro usulublarini o'zlashtirish va kuylovchining o'z individual ijro uslubini shakllantirishga butun faoliyat davomida amal qilishi maqsadga muvofiq hisoblanadi.

Mustahkamlash uchun savollar

1. Yakka xonandalik (yakka ovozda kuylash) san'ati qanday tizim asosida paydo bo'lgan?
2. "An'anaviy yakka xonandalik san'ati" tushunchalari qanday ma'nolarga ega?
3. Yakka xonandalik san'atida asosiy ijro omili nima?
4. Ijodkor yakkaxon ashula ijrochisini qanday tasavvur qilasiz?

2. An'anaviy yakka xonandalik ijrochiligi tarixi

Kalit so'zlar: nazariya, tarix, ijrochilik, ta'lim, musiqa, ustoz, ijod, an'ana, uslub, mashhurlik, davr.

O'zbek musiqa san'atida an'anaviy yakka xonandalik san'ati qadimdan rivojlanib kelmoqda. Professional musiqa nazariyamiz asoschisi Abu Nasr Forobiy (X asr) "Katta musiqa kitobi" asarida saboq berganidek, musiqa san'ati ijrochiligining ikki turi mavjud:

- 1) ohanglarni kuylash vositasida ijro etish;
- 2) ohanglarni cholg'ular vositasida ijro qilish [1, 156-b.].

Ana shu birinchi tur an'anaviy yakka xonandalik ijro san'atining negizi hisoblanadi, shu sababli u qadimiy va zamonaviy san'at bo'lib kelmoqda. Buning uchta sababi bor:

- 1) an'anaviy yakka xonandalik san'atida inson ovozidagi tabiiy ohanglar ro'yobga chiqadi;
- 2) bunda kuylash jarayoni vaqt omilida kechadi;
- 3) kuylovchi harakatlar tizimidan foydalanadi: Aynan inson ovozidagi tabiiy ohang, vaqt va harakat uyg'unligi an'anaviy yakka xonandalik san'atining nazariy tayanchlari sifatida qabul qilinadi.

Musiqa san'atimizda an'anaviy yakka xonandalik ikki shaklda rivojlanib kelmoqda:

- 1) professional xalq og'zaki shaklida;
- 2) an'anaviy professional musiqa shaklida.

Professional xalq og'zaki shaklidagi an'anaviy yakka xonandalik san'atida qo'shiq kuylash ustozdan shogirdga uzatib kelinmoqda, bunda qo'shiq va kuyning muallifi ko'p hollarda xalq hisoblanadi [8, 31-b.]. Bu juda qadimgi davrlardan hozirgi kungacha davom etib kelmoqda. Misol uchun 1936-yili Buxoroda yozib olingan quyidagi "Osmonda oy o'ynaydi" qo'shig'iga e'tibor bering [13, 140-b.]:

Osmonda oy o'ynaydi

M.M. ♩ = 80

Os - mon - da oy o'y - nay - di, yer - da choy - dish qay - nay - di.

Yor so - g'in - ga - nim bi - lib gul - da bul - bul say - ray - di.

Osmonda oy o'ynaydi,
Yerda choydosh qaynaydi.
Yor sog'inganim bilib,
Gulda bulbul sayraydi.

Xalq she'ri va kuyi bilan yakkaxon ijro etiladigan bu qo'shiqning xususiyatlariga e'tibor bering:

a) matn o'ziga xos musiqiy ohanglarga boy;
b) har bir so'z o'z o'rnida ishlatilgan va kuylash jarayonida talaffuzda to'siq yuzaga kelmaydi;

v) qo'shiqning mazmuni obrazlar uyg'unligida aks etgan: "Oy" – osmonning go'zali, "choydish" – ishq, "Gul va bulbul" – ma'shuq va oshiq [7]. Qo'shiqda lirik qahramonning his-tuyg'ulari she'r matni va musiqa obrazlarining uyg'unligi vositasida ifodalangan.

Qo'shiqda ishqning insonni o'tkinchi hoy-u havaslardan (xonumonlar) poklab, ulug' maqsadlar sari da'vat qilishi g'oyasi ifodalangan. Chunki oshiq odam – insonparvarlik va ezgulikka intiladi.

Professional xalq og'zaki shaklidagi an'anaviy yakka xonandalik san'atida muayyan mualliflarning asarlari ham xalq kuyi vositasida ijro etiladi va bunda aruz she'riy o'lchovidagi asarlar ba'zan barmoq she'riy o'lchoviga o'tkazilib kuylanadi.

Zero, professional xalq og'zaki shaklidagi an'anaviy yakka xonandalik qo'shiqlarida lirik ruh ustuvor bo'ladi va bu shakl bugungi kunda folklor – etnografik hamda estrada ansambllari ijrochilari tomonidan muvaffaqiyatli davom ettirib kelinmoqda.

Bu o'rinda bizni nisbatan an'anaviy professional shakldagi yakka xonandalik san'atining tadrijiy takomili qiziqtiradi². Unga ko'ra, mazkur shakldagi yakka xonandalik ijrochiligi X asrdan e'tiboran professional kuylovchilar, sozandalar va bastakorlar tomonidan rivojlantirib kelinmoqda. Bu shakl ikki ko'rinishda taraqqiy etib kelmoqda: 1) an'anaviy ashula ijrochiligi, 2) maqom ashula ijrochiligi. Lekin bu ko'rinishlar o'zaro chambarchas bog'liq ekanligini va ular bir-birini taqozo etishini e'tibordan soqit qilmaslik lozim.

² Chunki o'quv qo'llanmada ushbu yo'nalish asosiy obyekt sifatida tanlangan.

Professional an'anaviy yakka xonandalik san'atida X asrdan boshlab ashulalarning turkumlashtirilishi va ularning ijro yo'llari belgilanishi ko'zga tashlanadi. Abu Nasr Farobiyning (X asr) "Katta musiqa kitobi" asarida ta'kidlanishicha, an'anaviy yakka xonandalik san'ati ikki turda insoniyat musiqa san'atida rivojlanib kelgan:

1) Iste'dodsiz bo'lsa-da yakkaxon ijrochi tabiiy imkoniyatlariga tayangan holda kuylagan;

2) Iste'dod egasi bo'lgan yakkaxon ijrochi o'zidan avvalgi an'anaviy ashula ijrochiligini davom ettirgan va o'zidan keyingilarga uzatgan [1, 157-b].

Albatta, bu o'rinda Forobiy havaskor va professional yakka xonandalik ijrochiligi to'g'risida so'zlamog'da. Lekin har ikki holat bir-birini taqozo etadi. Shu sababli yakka xonandalik ijrochilik san'ati rivojida bu ikki shakl uyg'un qabul qilinishi kerak. Mutafakkir ashulaning tarannum (1), talqin (2) va tanag'um (tafsilot) (3) turlarini ta'kidlab ko'rsatadi [1,157-b]. Bunda tarannum lirik ruhdagi, talqin ijtimoiy-falsafiy mazmundagi va tanag'um holat hamda kechinmalarni ifodalovchi ashulalar turkumi ekanligini ta'kidlash joiz. Yakkaxon ijrochi ashulalarning bu turlarida o'ziga xos ijro yo'llari va mahoratini namoyon qilgan. Masalan, tarannum turkumidagi ashula ijro yo'li tanag'um turkumidagi ashula ijrosidan farq qilishi kerak, chunki birinchisiga sho'x va ikkinchisiga esa iltijo ruhi xosdir.

Kaykovus (XI asr) "Qobusnoma" asarida XI asrdan boshlab an'anaviy yakka xonandalik san'atiga bevosita Qur'oni karimni yoddan biluvchi shaxslarga nisbatan qo'llaniladigan hofiz atamasini kiritdi [12,284-b]. Bu muhim jihat bo'lib, unga ko'ra, yakkaxon ashula ijrochisi musiqaga oid nazariy va amaliy bilimlardan to'liq xabardor bo'lishi lozim edi. Shu sababli XI asrdan XX asrning I-choragigacha bo'lgan davrdagi yakkaxon ashula ijrochilarining nafaqat xonanda (kuylovchi), balki bastakor va sozanda ham bo'lganligi kuzatiladi.

Kaykovus ashulalarning uch turkumini ta'kidlab ko'rsatadi:

- 1) Xusravona ashulalar – vazmin va ma'noli ohangda kuylanadi;
- 2) Hafif ashulalar – yengil va ruh berish ohangida ijro etiladi;
- 3) Tarona ashulalar – sho'x va lirik ruhda kuylanadi [12,285-b].

Mazkur masalalarga e'tibor berish, yakkaxon ashula ijrochisining ijroda o'ziga xos uslubga ega bo'lishi va kuylash mahoratini oshirib borishini ta'minlaydi. Chunki ashula turkumlari ijro uslublari qanday bo'lishiga yo'l ko'rsatib turibdi.

Zero, Safiuddin Urmaviy (XIII asr) "Kitobul-advor" (musiqi nazariyasi) asarida o'n ikki maqomni tizimlashtirishgach, an'anaviy yakka xonandalik san'ati maqom ijrochilik yo'nalishida rivojlanib bordi. Bu masala muhim bo'lib, unga ko'ra, yakkaxon ashula ijrochisi XIII asrdan boshlab an'anaviy va maqom ashula ijrochiligi asoslarini *uyg'un* o'zlashtirishi taqozo etildi. Bunday holatlarni hisobga olish yakka xonandalik ijrochilik san'atining tarixiy-tadrijiy takomilini to'liq idrok etishga olib keladi.

XIV–XV asrlarda an'anaviy yakkaxon ashula ijrochiligi o'ziga xos tarzda rivojlandi. Bu borada zamonasining mutafakkiri Abdurahmon Jomiy (XV asr) "Risolai musiqiy" asarida fikr yuritib deydi: "Esimda, o'smirlik davrimda men

musiqa ilmi bilan shug‘ullangan edim va uning tarkibiy qismi sifatida xonandalikni ham o‘rgangan edim. Bugun keksaygan chog‘imda o‘sha davrlarda kuylagan ashulalarimdan birini xirgoyi qilib berishni do‘stlarimdan biri³ so‘radi. Shunda quyidagi satrlarni keltirib o‘tishni lozim topdim:

Bizga haqning karami – jon, ruh va vujudidir,
Jonning vujudda bo‘lishi mavjuddir.

Ayo sen kuylovchi, ma’nisiz ashulang bilan,
O‘ylaysan jonsiz kimsalarga beraman jon.

Qabrda buning hisobi borki, kerak –
Ki, jonsizlarni qilgil jonsarak” [12,304-b].

Demak, Adburahmon Jomiyning fikricha, birinchidan, yakkaxon ashula ijrochisi tinglovchining joni, ruhi va vujudini harakatga keltirishi kerak: ikkinchidan, buning uchun ijrochi yuksak mahorat egasi bo‘lishi shart. Jomiy yakkaxon ashula ijrochilariga o‘n ikki maqomning aytim yo‘llarini quyidagi xususiyatlarga asosan ijro etishni tavsiya qiladi [12,309-b].

T/r	Maqomlar	Xususiyatlari
1	Ushshoq, Navo, Busalik	Kuch-quvvat va jasurlik uyg‘otadi
2	Rost, Iroq, Isfahon,	Shodlik va quvonch uyg‘otadi
3	Buzruk, Zirafgand, Rohaviy, Zangula,	Dard va alam uyg‘otadi
4	Hijoz va Husayniy	Zavq va shavq uyg‘otadi

Mutafakkir mazkur maqomlarning sho‘ba va ovozlaridagi xususiyatlarni ham ko‘rsatgan, umuman uning fikricha, maqom ashulalari tinglovchiga “huzur-halovat beradi” [12,308-b]. Yakkaxon ashula ijrochisi bu xususiyatlarni hisobga olsa, kuylash jarayonida kutilgan maqsadga erishadi.

Shu tariqa XV asrdan XX asrning I-choragiga qadar an’anaviy yakka xonandalik san’atida yuksak mahoratli ashula (qo‘shiq) ijrochilari faoliyatda bo‘lib, bu san’atning rivojiga munosib hissa qo‘shishdi. Bu o‘rinda eng mashhur yakkaxon ashula ijrochilari to‘g‘risidagi ma’lumotlarga namuna sifatida e’tiboringizni tortamiz.

1. *Hofiz Basir (XV asr)*. “Hazrat Dovud payg‘ambardan keyin hech kim Hofiz Basirdek xonandalik qilolmagan. Bir gal u kuylaganida (ta’sirlangandan) to‘rt kishi hushidan ketgan. U Xoja Tovus Devonning ta’ziyasi kuni Xoja Kirmoniyning g‘azali bilan ijro etiladigan ashulani kuylab, quyidagi avj nuqtani ijro qilgan:

³ Bizningcha, bu shaxs Jomiyning eng yaqin kishisi Alisher Navoiy (1441–1501), chunki u aynan Navoiyning taklifi bilan ushbu asarini yozgan.

G'amingdan kuymagan dilni o'tga tashlayman,
Sen uchun yonmagan jonni sovura boshlayman.

Shunda ayvon kunjidan bir musicha parvoz qilib o'zini Hofizning qo'yniga tashlagan va jon bergan. Ashula yakuniga qadar qirq kishi hushidan ketgan" [6, 11–12-b].

2. *Abdulloh Muborak (XV asr)*. "Mashhur hofiz, O'zgantning Chortoq hududidan. Uning ovozi shu qadar shirador ediki, u kuylaganida yon-atrofdagi jonzoqlar ham sukut saqlab qolardi"[14,33-b].

3. *Ustod Shodi (XV asr)*. "Mashhur xonanda, bastakor va sozanda. U kuylaganida ashulaning avjini shu darajada ijro etadiki, undan keyingilar o'sha ashulani kuylaganida avj nuqtani uningdek berolmas edilar"[14,38-b].

4. *Xoja Abdulla (XV asr)*. "Mavqeyi a'lo xonanda, u kuylaganida ovozi bulbulnikidek sadolanar edi va bundan barcha taajjub qilardi"[14,68-b].

5. *Hofiz Boboiy (XVII asr)*. "Ovozi Arshga qadar yetadigan xonanda va bastakor. U Mavlono Kavkabiylar tizimlashtirgan 12 maqom va uning 24 sho'basining barchasiga ashula yaratdi, u zot O'ratepalikdir" [14,69-b].

Mazkur keltirilgan misollardan ma'lum bo'ladiki, yakka xonandalik san'ati rivojida yakkaxon ashula ijrochilarining xizmati yuksak bo'lgan. Bunday ijrochilar yorqin ovoz sohibi, ijodkor, bastakor va sozanda bo'lganligi bilan ham diqqatni tortadi. Yakkaxon xonandalikning nufuzi ana shular bilan belgilanadi.

Mustahkamlash uchun savollar

1. An'anaviy yakka xonandalik ijrochiligi qadimda necha shaklda rivojlanib kelmoqda?
2. Professional yakkaxon ashula ijrochiligi tarixan necha ko'rinishda taraqqiy etgan?
3. O'rta asrlarda yakkaxon ashula ijrochisi yana qanday kasblarga ham ega bo'lgan?
4. Mashhur yakkaxon tarixiy hofizlardan kimlarni bilasiz?

3. An'naviy yakka xonandalik uslublari

Kalit so'zlar: ashula, ijro, uslub, usul, musiqa, individual, ta'lim, ko'nikma, malaka, mahorat, ijod, samara.

O'zbek ashula ijrochilik san'atida an'anaviy yakka xonandalik alohida o'rin tutadi. Chunki bu ijrochilikda xonandaning bor iste'dodi, ijro mahorati va kasbiy tajribasi to'liq namoyon bo'ladi. Ayni paytda, an'anaviy yakka xonandalikda ijro uslublari umum xonandalik uslublariga asoslanadi. Biroq yakka xonandalik ashula ijro (kuylash) uslublari takomillashtirib borish imkoniyatlari kengligini eslatib o'tish joiz. Negaki "xonandalik uslubi – bu vokal musiqa asarlarini ijro etish yo'lidir [9, 287-b]. Shu sababli har bir yakkaxon ashula ijrochisi o'zining "Ijro


yo‘li”ni kashf etish, uni takomillashtirish va avlodlarga uzatish imkoniyatlariga egadir.

An’anaviy yakka xonandalik sharq ashula ijrochiligida mashhur bo‘lgan quyidagi uch uslubga tayanadi:

- 1) Binigi – bu dumog‘idan chiqariladigan ovoz;
- 2) Guligi – tomoqdan chiqariladigan ovoz;
- 3) Ishkami – ko‘krak-qorin diafragmasi vositasida hosil qilinadigan ovoz [9, 288-b].

Tajribali va o‘z ovozi boshqara oladigan yakkaxon ashula ijrochisi bu uslublardan teng foydalanishi kuzatiladi. Bunga erishishning asosi tinimsiz va izchil mashq hamda ovoz ustida ishlashdir. Aynan mashq va ovoz ustida ishlash xonandalik uslubini kutilgan darajada egallash kaliti hisoblanadi.

Har bir yakkaxon ashula ijrochisi ovozi ishlatish usullari, ovozi tusi, kenglik ko‘lami, kuchi va jarangdorligi bilan ajralib turadi. Qutbiddin Sheroziy (XIV asr) “Durat-toj” (Musiqqa tojining duri) asarida deydi: “Inson qadimda o‘zining ovozi jarangdor va yorqin ekanligini kashf etdi, bu – kuylashga olib keldi” [12,28-b]. Mutafakkir saboq beradiki, “insoning kuychan ovozi binigi (dimog‘li), guligi (ochiq-jarangdor) va ishkami (yuqori) bo‘ladi, ular tinglovchiga huzur bag‘ishlaydi” [12,28-b]. Shu ma’noda yakkaxon ashula ijrochisi kuylash jarayonini dimog‘ ovozdan boshlab, tomoq ovozga o‘tishi va ashulaning avj nuqtasida ko‘krak-qorin ovozda ijro etishi kerak. Ba’zan ijroni avj nuqtadan boshlashga to‘g‘ri keladi, bunday holatda ovozni kutilgan darajada boshqarish kerak bo‘ladi. Umuman, ijro jarayonida ovozi sadolanishi aylanma harakatda bo‘ladi:



Shu sababli xonandaning ovozi o‘zgarishiga tez ta’sir ko‘rsatadi va tinglovchining ruhiga halovat beradi.

Zero, yakka xonandalikda ijro jarayonida quyidagi uch layoqatga ega bo‘lishi taqozo etiladi:

- 1) ovozni me’yorli sadolantirish;
- 2) musiqani yetarli darajada eshitish;
- 3) so‘zlarni aniq talaffuz qilish.

Bu uch layoqat yakkaxon ashula ijrochisi uchun muhim omil hisoblanadi. Mazkur talablar asosida quyidagi ashulalar boshlanmalarini ijro qiling:

1. “Girya” (Mashrab so‘zi):

Ajab Majnun erurman dasht ila sahrog‘a sig‘mamdur,
Dilim daryoyi nurdur, mavj urub dunyog‘a sig‘mamdur.

2. “Kim keyin, kim ilgari” (Chustiy so‘zi):

Barchamiz bu yo‘lda, ammo kim keyin, kim ilgari,
Bilmagan hech qaysi dono kim keyin, kim ilgari.

3. “Saraxbori Navo” (Lutfiy so‘zi):

O‘tlig‘ ko‘zingni ko‘rgali bag‘rim kabob erur,
Sizdin ne yoshuray, ko‘nglum ishi xarob erur.

(o – o – o - o)

4. “Bul ajab” (A.Oripov so‘zi):

Bul ajab xor kimsadin imdod so‘raydi xorlar,
Siz bemor ko‘ksiga bosh urmangiz ey bemorlar.

5. “Aylamas” (Nodira so‘zi):

Yor mango g‘ayri jafo aylamas,
Va‘da qilib, ango vafo aylamas.

Shunday qilib an‘anaviy yakka xonandalik uslublari imkoniyat doirasidagi hodisa bo‘lib, uni har bir ijrochi o‘zlashtirishi mumkin.

Mustahkamlash uchun savollar

1. An‘anaviy yakka xonandalikda qaysi uslublari asosiy hisoblanadi?
2. Yakkaxon ashula ijrochilari qanday jihatlari bilan farqlanib turadi?
3. Qutbiddin Sheroziy yakkaxon ashula ijrochisi ovozi qanday tushuntiradi?
4. Yakkaxon ashula ijrochisi necha turli layoqatga ega bo‘lishi kerak?

Mustaqil ishlash uchun savollar va topshiriqlar

1. Yakka xonandalik (yakka ovozda kuylash) san'ati qanday tizim asosida paydo bo'lgan?
2. "An'anaviy yakka xonandalik san'ati" tushunchalari qanday ma'nolarga ega?
3. Yakka xonandalik san'atida asosiy ijro omili nima?
4. Ijodkor yakkaxon ashula ijrochisining qanday tasavvur qilasiz?
5. An'anaviy yakka xonandalik ijrochiligi qadimda buyon necha shaklda rivojlanib kelmoqda?
6. Professional yakkaxon ashula ijrochiligi tarixan necha ko'rinishda taraqqiy etgan?
7. O'rta asrlarda yakkaxon ashula ijrochisi yana qanday kasblarga ham ega bo'lgan?
8. Mashhur yakkaxon tarixiy hofizlardan kimlarni bilasiz?
9. An'anaviy yakka xonandalikda qaysi uslublar asosiy hisoblanadi?
10. Yakkaxon ashula ijrochilari qanday jihatlari bilan farqlanib turadi?
11. Qutbiddin Sheroziy yakkaxon ashula ijrochisi ovozini qanday tushuntiradi?
12. Yakkaxon ashula ijrochisi necha turli layoqatga ega bo'lishi kerak?
13. An'anaviy yakka xonandalikning asosiy xususiyatlarini eslab qoling.
14. An'anaviy yakka xonandalik ijrochiligi tarixiga oid muhim ma'lumotlarni daftaringizga yozing.
15. An'anaviy yakka xonandalikning asosiy ijro uslublarini yodlab oling.

TESTLAR

1. Yakka xonandalik nima?

- a) Yakkaxon kuylash
- b) Yakka ovozda kuylash
- v) Bir kishining kuylashi
- g) Hammasi to'g'ri

2. An'anaviy yakka xonandalik bu –

- a) Umumiy xonandalikning tarkibiy qismi
- b) An'anaviy xonandalikning tarkibiy qismi
- v) Maqom ijrochiligining tarkibiy qismi
- g) Bilmadim

3. "An'anaviy yakka xonandalik" fani qanday fan?

- a) Ixtisoslik fani
- b) Mutaxassislik fani
- v) Tanlov fani
- g) Umumkasbiy fan

4. An'anaviy yakka xonandalik tarixi qadimiymi?

- a) Yo'q
- b) Ha
- v) Bo'lishi mumkin
- g) Bilmadim

5. An'anaviy yakka xonandalikda tarixiylik va zamonaviylikni uyg'unlashtirganmi?

- a) Yo'q
- b) Bilmadim
- v) Ha
- g) Bo'lishi mumkin

6. An'anaviy yakka xonanda bo'lish uchun qanday mahoratga ega bo'lish kerak?

- a) Nazariy bilimdonlik
- b) Amaliy malakalilik
- v) Layoqatlilik
- g) Hammasi to'g'ri

7. An'anaviy yakka xonanda qanday tayyorgarlikka ega bo'lishi lozim?

- a) Malakali, ko'nikmali, mahoratli
- b) Malakali, ko'nikmali, ist'edodli
- v) Malakali, ko'nikmali, tajribali
- g) Malakali, ko'nikmali, bilimdonli

8. An'anaviy xonandalikda ovoz muhim o'rin tutadimi?

- a) Bilmadim
- b) Yo'q
- v) Ha
- g) O'ylab ko'rmabman

9. An'anaviy yakka xonanda bo'lish uchun yoshlikdan shug'ullanish kerakmi?

- a) Fikringizni yozing: _____
-

10. An'anaviy yakka xonanda individual ijro uslubiga ega bo'lishi kerakmi?

- a) Fikringizni yozing: _____
-

11. An'anaviy yakka xonanda uchun nazariy bilim kerakmi?

- a) Bilmadim
- b) Aytolmayman
- v) Ha
- g) Shart emas

12. An'anaviy yakka xonanda bastakor bilan hamkorlik qilishi kerakmi?

- a) Yo'q
- b) Shart emas
- v) Albatta
- g) O'ylab ko'rmabman

13. An'anaviy yakka xonanda kompozitor bilan hamkorlik qilishi kerakmi?

- a) Ha
- b) Yo'q
- v) Bilmadim
- g) Aytolmayman

14. An'anaviy yakka xonandalikni rivojlantirish uchun nima qilish kerak?

- a) Fikringizni yozing: _____
-

15. An'anaviy yakka xonanda individual ijro uslubiga ega bo'lishi kerakmi?

- a) Bilmadim
- b) Ha
- v) E'tibor bermabman
- g) Aytolmayman.

TEST JAVOBLARINING KALITLARI

1. g
2. b
3. a
4. b
5. v
6. g
7. a
8. v
9. a (tahlil)
10. a (tahlil)
11. v
12. v
13. a
14. a (tahlil)
15. b

Tavsiya etiladigan adabiyotlar

1. Абу Наср аль-Фараби. Большая книга музыки. //Даукеева С. Философия музыки Абу Насра Мухаммада аль-Фараби. Часть тексты. –Алма-Ата. 2002. –с.148-221.
2. Alisher Navoiy. To‘la asarlar to‘plami. 10-jild. –Т., 2011.
3. Ahmad Yassaviy. Devoni hikmat. –Т., 1992.
4. Азимова А. Общие принципы музыкальной организации ашула. //Актуальные проблемы изучения музыкальных культур стран Азии и Африки. –Т., 1983. –с.129-133.
5. Благовенцкий И. Некоторые вопросы исполнительского искусства. –Минск., 1965.
6. Vosifiy Z. Badoe’ ul-vaqoe’. –Т., 1979.
7. Jabbor E. Folklor: obraz va talqin. –Qarshi, 1999.
8. Гафурбеков Т. Фольклорные истоки узбекского профессионального музыкального творчества. –Т., 1984.
9. Madaniyat va san’at atamalarining izohli lug‘ati. –Т., 2015.
10. Матякубова О. Додекаграмма. –Т., 2005.
11. Морозов В. Тайны вокальной речи. –М., 1967.
12. Музыкальная эстетика народов стран Востока. Тексты. –М., 1967.
13. Романовская Е. Статьи и доклады. Записи музыкального фольклора. –Т., 1957.
14. Семёнов А. Среднеазиатский трактат по музыке Дervesh Али Ченги (XVII в.). –Т., 1940.
15. Проблемы музыкальной науки Узбекистана. Сборник. –Т., 1973.
16. Umrboqiy qo‘shiqlar. Ikki jildli. –Т., 2013.
17. Shoda-shoda marvarid. O‘zbek xalq qo‘shiqlari. –Т., 2006.
18. Xoja Ubaydulloh Ahror. Tabarruk risolalar. –Т., 2004.

ILOVALAR

1-ilova

“An’anaviy yakka xonandalik” fani bo’yicha tayyorlangan ushbu o’quv qo’llanmaning ishchi o’quv dasturi

Mazkur ishchi o’quv dasturi “An’anaviy xonandalik namunaviy dasturi asosida ishlab chiqilgan bo’lib, unda “An’anaviy yakka xonandalik” kursi bo’yicha nazariy-amaliy mashg’ulotlar mavzulari ifodalangan. Imkoniyatga qarab mavzular kengaytirilishi mumkin.

T/r	Yakka mashg’ulotlar mavzulari	Dars soatlari hajmi
1	“An’anaviy yakka xonandalik” xususiyatlari	4
2	An’anaviy yakka xonandalik ijrochiligi tarixi	6
3	Amaliy mashg’ulot	4
4	An’anaviy yakka xonandalik ijro uslublari	12
5	An’anaviy yakka xonandalikning professional ijrochiligi asoslari	12
6	Amaliy mashg’ulot	4
7	An’anaviy yakka xonandalikda ijodiy va individual ijro uslublarning ahamiyati	8
8	An’anaviy ashulalarni mustaqil o’zlashtirish	6
9	Amaliy mashg’ulot	4
10	An’anaviy ashulalar tahlili ustida ishlash	8
Jami		68

ASARLAR

Dugoh Husayniy

Farg'ona Toshkent maqom yo'llaridan

Fuzuliy g'azali

♩ = 85



Mah-shar ku - ni ko' - ram de-ram ul sar - vi qo - ma - ti,



Gar an-da ham ko' - rin - ma - sa kel,



ko'r qi - yo - ma - ti. Tar-ki may et - ding,



ey ko'n - gul, ay - yo - mi gul_ ke-lur, Al - bat - ta,



bu i - shing che-ki-lur bir na - do - ma - ti.



Maj - nun - - - ki pod - sho - hi si - po - hi vu



xush e-di O...

Man - tak mu - sax - xar__ et - ma-di mul - ki ma

lo - ma-ti, yo - ra,

vo - yay.

Sah-ro na

vard e- kan,__ ma-nga tas - vi - ri ko'x - dan,

O... O'y-rat-di shah - ri

ish - qi-da ras - mi qo - ma - ti. O...

G'am zul - ma

tin - da__ bo'l - ma-gay dar - du__ ba - lo ma

ni, yo - ray, ey yo - ray,

a-si - ring-ma-nay O...

Bas - dur, Fu - zu - liy, o - ta-shi

o- xim a - lo - ma ti - yey. yo - ra,

vo - yay. ey — yo - ra, O...

O... yo - ray. O...

O... jo - na - mo.

Mahshar kuni ko‘ram deram ul sarvi qomati,
Gar anda ham ko‘rinmasa kel, ko‘r qiyomati.

Tarki may etding, ey ko‘ngul, ayomi gul kelur,
Albatta, bu ishing chekilur bir nadomati.

Majnunki, podshohi sipohi vuxush edi,
Mantak musaxxar etmadi mulki malomati.

Sahro navard ekan, manga tasviri ko‘xdan,
O‘yratdi shahri ishqida rasmi qomati.

G‘am zulmatinda bo‘lmag‘ay dardu balo mani,
Basdur, Fuzuliy, otashi ohim malomati.

Tanovar II

Xalq kuyi
Muqimiy g'azali

♩ = 84



En-di sen-dek



ja - no - - -



-na En-di sen-dek



ja - no - - - na,






ja - non, yor - yo - ra, qay - - da -





- du-ro - - - ra, do'st yo -



- ra, Ko'-rib gul yu -









Endi sendek jono, jonon qaydadur.
Ko'rib gul yuzungni, bog'da bandadur.

Saqlay ishqing toki, jonim tandadur.
O'zim harjoydaman, ko'nglum sandadur.




Mehring o'ti nogoh – tushdi jonlarga.
Parvoyim yo'q zarra, xonumonlarga.



Lola yanglig' to'lib, bag'rim qonlarga.
O'zim harjoyda man, ko'nglim sandadur.

Suvora

Xalq kuyi
Muqimiy g'azali

$\text{♩} = 78$








Na bu dahr - e-kan



zah - ri mor - siz, O-chi - lur



na gul - la-ri xor - siz.



Qo - li - bon____ o' - zim ma-na____ yor - siz,



Tu-nim ishq fi - g'on, yo - ra,



i-la no - la-dur. yor - yo - ray,



yo - - - ray, Tu-nim ishq fi - g'on,

rit. - - - -



yo - ra, i-la no - la-dur.

Mani ishq o'ti bila qiynagan,
U pari kabi ko'zi qoradur.
Bu chaman aro na sanobaru,
Na'suman bila guli loladur.

Kecha yo'qki tonggacha yig'lamay,
Bosib o'tadur nazar aylamay.
Bu ko'ngil navosini ovlamay,
Uni bamisoli yulib oladur.

Na bu dahr ekan zahri morsiz,
Ochilur na gullari xorsiz.
Qolibon o'zim mana yorsiz,
Tunum ishq fig'on ila noladur.

Aylading

Sh.Mirzayev musiqasi

Huvaydo g'azali

♩=69



Dil-ra-bo ish-qing bi-lan



mun-cha ma-ni xor ay-la-ding, Dil-ra-bo



ish - qing bi - lan mun-cha ma-ni xor ay-la-ding,



Ham ja - fo - yu jabr e - tib



ko'p jo - ni - ma kor ay-la-ding. Ham ja - fo







Dashti Navo

$\text{♩} = 65$

Ikki qo-shing kabi

bir tur -fayo yo'q, bir tur -fayo yo'q, Ikki qo-shing kabi

bir tur -fayo yo'q, bir tur -fayo yo'q, Qilur -sen rahm bu

ko'ng-lum-gayo yo'q, ko'ng-lum-gayo yo'q. Qilur -sen rahm bu

ko'ng-lum-gayo yo'q, ko'ng-lum-gayo yo'q. Jahon -da gar-chi yuz - ming

fit - nalar bor, yor - yo - ra,

Firo -qing -dek vale ay -ni ba -lo yo'q. Viso -ling -ni man -ga gar

xayf ko'r - sang, Ko'z uchi-din do-g'i bir mar-habo yo'q,

bir mar-habo yo'q. Ko'z uchi-din do-g'i bir mar-habo yo'q,

bir mar-habo yo'q.

Ko'n - gul - ni kim - ga bog' - lay chun jahon - da,

chun jahon - da, Sening - dek ko'rk ichin - da dil - rabo yo'q,

dil - rabo yo'q. Agar sen husn e-lining xo - nidur - sen,

Jahon - da do g'i men dek bir gado yo'q. Ikki qo - shing kabi

bir tur - fayot bir tur - fayot yo'q. Qilur - sen rahm bu

rit.

ko'ng - lum - gayo yo'q, ko'ng - lum - gayo yo'q,

Fig'onkim

M.Mirzaev musiqasi
Furqat g'azali

$\text{♩} = 77$

Fi-g'on-kim gar-dishi dav-ron a-yir-di
o'z di-yo-rim-dan, Fi-g'on-kim gar-dishi dav-ron,
a-yir-di o'z di-yo-rim-dan, G'a-mim ko'p,
ey ko'p-gil sen be-xabar-san o-hu zo-rim-dan.
G'a-mim ko'p, ey ko'p-gil sen be-xabar-san o-hu zo-rim
dan. G'u-bo-rim ishq vo-diy-si da bar-bod bo'l-di

an-dog'-kim, Biyo-bon - lar-da Maj-nun to' - ti-yo iz - lar gu-

bo - rim-dan. Bi-yo-bon - lar-da Maj-nun to' - ti

yo iz - lar g'u - bo - rim- dan.

Qi- zil qon - dur, si - rish kim-za fa-ron-dur cheh - ra - i o -

lim, Qi- zil qon - dur si - rish -kim za - fa-ron-dur

cheh - ra - i o - lim, Me-ni kim ko'r-sa farq et-mas

xazon bir -la ba - ho - rim-dan. Me-ni kim



Izlayman

♩=80



Ko'n-gil be-rib ni-go - rim -



ni iz - lay -man,

Ko'n- gil be-rib

ni-go - rim -



ni iz - lay -man,

Yu -zi gul

su-han - vo - rim



ni iz - lay -man,

Yu -zi gul

su-han - vo - rim



ni iz - lay -man,

Bul-bul bo'-lib

gul-zo-



rim -ni

iz - lay -man,

Maj-nun - dek



Lay - li yo - rim -




ni iz - lay -man,

Maj-nun - dek

Lay - li yo - rim -





Nigorim kelur

J.Sultonov musiqasi
Habibiy muhammasi

$\text{♩} = 100$

Me-ning dil - na-vo zim ni - ro - rim ke-

lur, So' - zi shax - du - shak kar ni - so rim lim ke - lur.

Suru - riy di - lim nsv - ba ho - rim ke - lur.


O - chiq cheh - ra ko' - zing xumo - rim ke - lur.

O, hoy yo - ray Bo - shim ko'k

- ka yet - mas - mi yo - rim ke - lur.

Bo - shim ko'k - ka yet - mas - mi yo -

- rim ke - lur. Muh - ab - bat




Qayondur

Sh.Mirzayev Musiqasi
Miskin g'azali

♩=80









Ra'no kibi

Sh.Mirzayev misqasi

Bobur g'azali

$\text{♩} = 80$

8

16

Ne cha-man - da sar - va bor ul qo-ma-ti ra' - no

23

ki-bi Ne gu-lis - ton ich-ra gul bor Ul ru-xi

31

ze - bo ki-bi Ne ja-fo tav - ri - da bor

39

dun-yo-da ul - be - mehr - dek Ne va-fo bo - bi-da bor o -

47

- lam-da men shay-do ki-bi

55

62

Ay-la - sam - ko -

70

yi - da ma' - vo nay-la- yin jan - nat - ni kim

79
Bor man-ga ul hur ko'-yi jan-nat ul ma'-vo

88
ki-bi o jan-nat ul ma'-vo ki-bi

98
Min-sa ab-rash ul qu-yosh kuy-may ne-tay - kim Bo-bu-ro

106
Min-sa ab-ram ul qu-yosh kuy-may ne-tay - kim Bo-bu-ro

114
Me-ni kuy - dur - mak-ka yel - dur mar-kab o't - dur ro ki-bi

122
Ne cha-man - da sar - vi bor ul

127
qo - ma - ti ra' - no ki - bi

Sayyorasidur

Sh.Mirzayev misqasi
Atoiy g'azali

$\text{♩} = 80$

Ko'-zing dav - ri - qa-mar ay-yo - ra - si -

dur, Ba-lo af - lo - kining say-yo - ra - si -


-dur. Ko'-zing dav - ri - qa-mar


ay - yo - ra - si - dur, Ba-lo af - lo - kining

say-yo - ra - si - dur. A - gar-chi jo - ni

Shi - rin - nim -dur og' - zing, Vale shak- kar







Zafar taronasi

Sh.Mirzaev musiqasi

J.Jabborov she'ri

$\text{♩} = 77$



El mubo - rak - bod etar yur-tim bu-gun sho-



ning - ni ham,

El mubo - rak - bod etar



yur-tim bu-gun sho - ning - ni ham,

Bu sharaf



Bu sharaf sho-ning ya rat-gan ish-chi deh - qo -





-ning - ni ham.


Ne-cha ta - rix qayt e-tur



ush-bu zafar - ni zar bilan,

Ne-cha ta - rix





GLOSSARIY

Avj – musiqa bayoni va rivojida eng yuqori kulminatsion nuqta.

Akkord– italyan tilidan olingan bo‘lib, birdamlik ma’nosini anglatadi. Turli balandlikdagi uch va undan ortiq tovushlarning qo‘shilib, yaxlit holda yangrashidir.

Akustika – yunon tilidan olingan bo‘lib, tinglashga oid tushunchadir. Teatr, kontsert zallarida tovushlarni binoning har bir barobar eshutilishidir. Fizika fanida tovushlarning kelib chiqishini o‘rganuvchi soha.

Aksent – lotin tilida urg‘u, ta’kidlash degan ma’nolarni bildiradi. Biror tovush yoki akkordni qattiq ijro etishdir.

Alt – lotin tilida baland, yuqori ovoz degan ma’noni bildiradi. Bola yoki xotin – qiz xonandalar (metsso – soprano, kontralto) ovozidan pastroq, erkaklarning (tenor) ovozlaridan yuqoriroq eshutiladi. Ovoz ko‘lami odatda kichik oktava lya dan – ikkinchi oktava mi ga qadar bo‘ladi.

Alveola – o‘pkada joylashgan kichkina pufakchalar inson nafas olganda gaz almashinuvi, ya’ni kislorodni – karbonat anhidridga, karbonat anhidridni – kislorodga aylantirishda faol qatnashadi.

Ansambl – fransuz tilida birgalikda degan ma’noni anglatadi. Ma’lum bir asarni bir nechta ijrochi tomonidan ijro etilishi ansambl deyiladi.

Artikulyatsiya – nemis tilidan mayda bo‘laklarga bo‘laman degan ma’noni anglatadi. Xonandalar ovozida surunkasiga kelgan tovushlarni ijro etish usullari. Barcha shtrix harakatlari orqali (ma’lum kuy jumlasini yoki frazasida) erishilgan natijalar yig‘indisi bo‘lib, muayyan shtrixlar asosida asarning barcha ifoda vositalari (temp, ritm, dinamika, registr)ning hammutanosib va muvofiq ravishdagi ishtirokini ta’minlashga artikulyatsiya deyiladi.

Ashula – keng tarqalgan vokal musiqiy janr va tuzilma bo‘lib, unda she’riy hamda musiqiy obrazlar bir-biriga uyg‘unlashgandir. Avji yuqori va musiqiy tuzilishi bo‘yicha yirik asar turi. Ashulaga qo‘yiladigan so‘zlar asosan aruz vaznida, shuning bilan birga ma’lum dorilfunun yoki maktabni o‘tagan xonandalar ijro etadigan janrdir.

Ashulachi – ashula janrini kuylovchisi.

Sezgi– inson organizmi tomonidan eshitish, ko‘rish, hid bilish, tana sezgisi, ta’min bilish va h.k. a’zolari orqali moddiy dunyoni anglaydi.

Bariton – bas va tenor tovushlari o‘rtasidagi erkaklar ovozi. Bariton ovozinin dramatik va lirik turlari mavjud bo‘lib, lirik turi nisbatan egiluvchan, dramatik turi esa nisbatan kam harakatchan quyuqroq bo‘ladi.

Bas – erkaklarning past yo‘g‘on tovushidir.

Idrok – narsalar yoki hodisalarning sezgi a’zolariga bevosita ta’siri orqali ongimizda aks etishiga idrok deyiladi. Sezgida predmetning alohida qismlari, idrokda esa predmetning barcha tarkibiy qismlari bir butunlikda his qilinadi. O‘zi jrosini eshitgan xonanda tajribasiga tayanib uni tahlil qiladi va umumlashtirgan holda xulosa yasab xatolarini tuzatish uchun qarshi harakatga shaylanadi.

Registr – lotin tilidan ro‘yxat ma’nosini anglatadi. Ma’lum bir qism tovush qatorining ikkinchisi bilan qo‘shilishi registr almashinuvi deyiladi. Xonandalar ovozida va asarlarda uch qismga ajratiladi; pastki registr (ovozning daromadi), o‘rta registr (miyonxat va kichkina avj qismlari), yuqori registr (dunasra va avj qismlari) deb yuritiladi.

Repertuar – ijro dasturi – barcha xonanda va sozandalarning biladigan va ijro eta oladigan jami asarlari.

Tasavvur – bilimning ibtidosi bo‘lib, bosh miyada (analiz va sintez asosida) hosil bo‘ladi va tafakkurdan farqli o‘laroq ijrochining xayolida oldindan aks etadigan tushunchalar tizimi bo‘lib, badiiy ijodiyotning barcha turlariga xosdir.

His, tuyg‘u va hayajon (emotsiya) – Inson ruhiyatining o‘ziga xos xususiyatlaridan biri bo‘lib, kishi o‘zining hayotiy faoliyati jarayonida atrofini o‘rab turgan moddiy borliq bilan doimo muloqotda bo‘ladi. Buning natijasida shodu-xurramlik, qayg‘u va g‘am, to‘lqinlanish va hayajon, mag‘rurlik va iftixor, jahl va g‘azab, hayratlanish, xafa bo‘lish kabi boshqa ko‘plab moyil va tuyg‘u (obyektiv dunyoga subyektiv munosabat kechinmalari)lar insonning emotsional his-hayajon holatini ifodalaydi.

Emotsiya – (tuyg‘u kechinmalarining shakli) ijobiy va salbiy turlarga bo‘linadi. Ijobiylari: shod-u xurramlik, to‘lqinlanish va hayajon, mag‘rurlik va iftixor, hayratlanish va boshqalar. Salbiylari: qayg‘u va g‘am, jahl va g‘azab, xafa bo‘lish kabilardan tashkil topadi.

Musiqiy ifoda – vositalari: tovush hosil qilish va uning akustik asoslari, musiqiy tovush, ovozining tozaligi (intonatsiya), tovush tusi (tembr), nola (vibrato), usul (ritm), o‘lchov, sur‘at, agogika, artikulyatsiya, dinamik belgi va boshqalar kiradi.

Tovush – fizik hodisa bo‘lib, tarang tortilgan jism (sim, yassi plastinka va h.k.)ning tashqi ta’siri natijasida mexanik harakatga kelishi – tebranishi natijasida hosil bo‘ladigan jarayondir. Tabiatda qulog‘imiz ilg‘aydigan turli xil tovushlar mavjud. Lekin ularning hammasini ham musiqiy tovush deb bo‘lmaydi. Musiqiy tovush o‘zining to‘rt xossasi: a) bir-biriga nisbatan baland pastligi, b) tusi (tembri), v) davomiyligi, ya’ni cho‘zimi, g) kuchi bilan shovqinli tovushlardan farq qiladi.

Intonatsiya lotincha baland, yuqori uning tozaligiga erishish uchun avvalo xonanda o‘zini eshitishi, ovozi sifatli ishlangan va kuylanaverib tajribadan o‘tgan bo‘lishi kerak. Bundan tashqari ovozning toza chiqishi ijrochining mahoratiga va kayfiyatiga ham bog‘liq. Shuningdek, ovozdagi qo‘shimcha pardalarni qo‘llash orqali ham tovushni past yoki balandligini muvofiqlashtirish mumkin.

Tovush tembri (tembr fr. – tovush bo‘yog‘i, tusi, xarakteri) tovush sifatining muhim omillaridan bo‘lib, har bir inson ovoziga xos xususiyat.

Vibrato – to‘lqinlatish, tovush nolasi: tovush sifatini boyituvchi omillardan bo‘lib, u tovush o‘ziga xos joziba baxsh etadi va go‘yo uni qizdirib jonlantiradi.

Tovush kuchi – tebranish harakatinig kengligi va kuchiga bog‘liq. Ya’ni tovush hosil qiluvchi membrananing tebranish miqyosi – amplitudasi qancha keng va kuchli bo‘lsa tovush ham shuncha kuchayadi. Dinamik o‘zgarishlarni uch asosiy guruhga taqsimlanadi:

a) turg'un, ya'ni o'zgarmaydigan;

b) asta-sekin o'zgaruvchan, pog'onama-pog'ona kuchayib yoki pasayib boruvchi turlari mavjud: kuchsizdan (pastdan): **pp-p-mp-mf-f-ff** kuchliga va aksincha kuchli dan **ff-f-mf-mp-p-pp** susayib boruvchi;

v) qarama-qarshi, tafovutli (kontrastno'y) **p-f**, **pp-ff** va unga aloqador urg'ular tovush kuchini oshirish va pasaytirish belgilari sifatida asar mohiyatini ochishda xizmat qiladi.

Tenor – lotin tilida ushlab turish degan ma'noni bildiradi. Erkaklarning eng yuqori ovoz turidir.

Ijrochilik holati – (ispolnitelskaya postanovka): o'zini qanday tutishi, ijroga hozirlashi va kuylash uchun (butun tana, bosh, qo'llar, oyoqlar) tayyor bo'lish tushuniladi.

Ovoz ko'lami – ya'ni ovoz diapazoni, xonanda ovozi yoki asar tovush qatorining hajmi tushuniladi.

MUNDARIJA

Kirish	3
An'anaviy yakka xonandalik xususiyatlari	5
An'anaviy yakka xonandalik ijrochiligi tarixi	20
An'anaviy yakka xonandalik uslublari	24
Mustaqil ishlash uchun savollar va tavsiyalar	27
Test	28
Tavsiya etiladigan adabiyotlar	30
Ilovalar	31
Asarlar	32
Glossariy	71

MUNOJATXON YO‘LCHIYEVA

AN‘ANAVIY YAKKA XONANDALIK

*Oliy ta‘lim muassasalari uchun
o‘quv qo‘llanma*

(o‘zbek tilida)

Noshir	O.Rahimov
Muharrir	U.Insonboyeva
Badiiy muharrir	Sh.Odilov
Texnik muharrir	N.Ismoilova
Nota muharriri	
va kompyuterda tayyorlovchi	B.Ashurov

Nashriyot litsenziya raqami: AI № 126.2008.12-noyabr.

«Musiqqa» nashriyoti, Toshkent sh., Olmazor ko‘ch., 1.

Bosishga ruxsat etildi 18.05.2018. Bichimi 60 x 84 1/8.
Times New Roman garniturası. Shartli b.t. 9,25 b.t. Adadi 350 nusxa
(1-zavod 50 nusxa). Bahosi shartnoma asosida.

«Complex Print» MChJda chop etildi. Toshkent sh., Navoiy ko‘chasi, 24.
tel. 244-40-89, e-mail: complex.print@mail.ru
Litsenziya № 10-3606 ot 10.02.2016.